

四庫全書

子部

欽定四庫全書

子部

外臺秘要方卷二

詳校官太醫院吏目臣朱桂

編修臣倉聖脈覆勘

總校官進士臣繆璘

校對官中書臣李斯咏

謄錄監生臣何青

欽定四庫全書

外臺秘要方卷二

唐 王燾 撰

傷寒中風方九首

臣德等按傷寒論傷寒中風自是兩疾今云傷寒中風非

病源中風傷寒之狀太陽中風陽浮陰弱陽浮者熱自發陰弱者汗自出嗇嗇惡寒淅淅惡風翕翕發熱鼻鳴乾嘔此其候也

太陽中風以火劫發其汗邪風被火熱血氣流溢失其

常度兩陽相熏灼其身即發黃陽盛則欲衄陰虛小便
難陰陽俱虛竭身體則枯燥但頭汗出劑頸而還腹滿
微喘口乾咽爛或不大便久則譫語

荒語也
本作譫

甚者至噦

手足躁擾循衣摸牀小便利者其人可療

陽明中風口苦而咽乾腹滿微喘發熱惡寒脉浮緊若
下之則腹滿小便難

陽明病若能食爲中風不能食爲中寒

少陽中風兩耳無所聞目赤胸中滿而煩者不可吐下

吐下之則悸而驚

太陰中風四肢煩疼其脉陽微陰澀而長者爲欲愈
少陰中風其脉陽微陰浮者爲欲愈

厥陰中風其脉微浮者爲欲愈不浮爲未愈

仲景傷寒論同並出

第七
卷中

仲景傷寒論桂枝湯療太陽中風陽浮陰弱陽浮者熱
自發陰弱者汗自出晝晝惡寒淅淅惡風翕翕發熱鼻
鳴乾嘔方

桂枝

芍藥

生薑

各三兩

甘草

二兩炙

大棗

十二枚擘

右五味切薑擘棗次切餘藥以水七升煮棗令爛去滓乃內諸藥水少者益之煮令微微沸得三升去滓服一升日三小兒以意減之初一服便得汗出者後服小小闊其間如不得汗者小小促之令其藥勢相及汗出自護如服六物青散法若病重者晝夜服特須避風若服一劑晬時不解病證不變者當更服之

至有不汗出服二三劑乃愈服此藥食頃亦當飲
熱粥以助藥力若初得病甚便以火發汗火氣太過
汗出不解煩躁不得寐因此湯加龍骨牡蠣各三兩
減桂心生薑各一兩不用芍藥若虛勞裏急腹中痛
者取前桂枝湯二升加膠飴一升適寒溫分再服若
得大汗出者只用桂枝二兩發汗後重發汗亡陽譫
語其脉反和者不死發汗已解半日許重發煩其脉
浮數可復發汗宜桂枝湯方忌海藻生葱松菜等

在上

出第二卷中千金胡洽
集驗文仲備急范汪同

又療傷寒頭疼腰痛身體骨節疼發熱惡風汗不出而

喘麻黃湯方

麻黃

三兩
去節

桂心

二兩

甘草

炙一兩

杏仁

七十枚
去

皮尖雙
仁碎

右四味切以水九升煮麻黃減二升去上沫內諸藥

煮取二升半去滓服八合覆取微汗不須歎粥餘如

桂枝法將息忌海藻松菜生葱

臣億等按張仲景傷
寒論麻黃湯惟主傷

寒不主中風若中風
但可服前桂枝湯

又療太陽病項背強兀兀反汗不出惡風者屬葛根湯

方

葛根

四兩

麻黃

四兩
去節

甘草

二兩
炙

芍藥

桂心

各二兩

生薑

三兩

大棗

十二枚
擘

右七味切以水一斗煮麻黃葛根減二升去上沫內
諸藥煮取三升去滓溫服一升覆取微似汗出不須
喫熱粥助藥發汗餘將息依桂枝法忌海藻松菜生

葱

並出第三卷中張仲景傷寒論治中風汗出用桂枝此證云汗不出亦傷寒之病非中風也

小品姜蕤湯療冬溫及春月中風傷寒則發熱頭眩痛

喉咽乾舌強胸內疼心胸痞結滿腰背強方

姜蕤

二兩

石膏

三分末綿裹

白薇

二兩

麻黃

二兩去節

獨活

二兩

杏仁

二兩去皮尖雙仁碎

芎藭

二兩

甘草

二兩炙

青木香

二兩無可用麝香一分代之

右九味切以水八升煮取三升分三服取汗若一寒

一熱者加朴硝一分及大黃三兩下之忌海藻松菜

並出第六卷中古今錄
驗同一方有葛根二兩

千金療傷寒中風五六日已上但胸中煩乾嘔括萋實

湯方

括萋實

一兩

柴胡

半斤

黃芩

三兩

甘草

三兩

生薑

四兩切

大棗

十枚擘破

右六味切之勿令大碎吹去末以水一斗二升煮得

六升絞去滓更煎取三升適寒溫服一升日三服忌

海藻松菜

出第十卷中

千金翼療中風發熱六七日不解而煩有表裏證渴欲飲水飲水而吐此爲水逆五苓散主之方

豬苓

三分

澤瀉

五分

茯苓

三分

桂心

二分

白朮

三分

右五味擣篩水服方寸匕日三多飲煖水汗出愈忌桃李醋物生葱雀肉等

又傷寒中風醫反下之其人下利日數十行水穀不化腹中雷鳴心下痞堅而滿乾嘔心煩不能得安醫見心下痞以爲病不盡復重下之其痞益甚此非結熱但以

胃中虛客氣上逆故使之堅甘草瀉心湯主之方

甘草

炙 四兩

黃芩

三兩

大棗

枚 十二

黃連

一兩

乾薑

二兩

半夏

半升 洗去滑

右六味切以水一斗煮取六升分六服忌海藻松菜

豬羊肉錫

並出第九卷中一方有人參三兩

古今錄驗療中風傷寒脉浮發熱往來汗出惡風項頸

強鼻鳴乾嘔陽旦湯主之方

大棗

枚 十二

桂枝

三兩

芍藥

三兩

生薑

三兩

甘草

三兩炙

黃芩

二兩

右六味㕮咀以泉水六升煮取四升分四服日三自汗者去桂心加附子一枚炮渴者去桂加栝蒌三兩利者去芍藥桂加乾薑三兩附子一枚炮心下悸者去芍藥加茯苓四兩虛勞裏急者正陽旦主之煎得二升內膠飴半升分爲再服若脉浮緊發熱者不可與也忌海藻菰菜生葱等

千金同

又大青龍湯療太陽中風脉浮緊發熱惡寒身疼痛汗

不出而煩躁方

麻黃

六兩
去節

桂枝

二兩

甘草

二兩
炙

石膏

如雞
子大

碎綿
裹

生薑

三兩

杏仁

四十枚去皮
尖及兩仁

大棗

十枚
擘

右七味切以水九升先煮麻黃減二升去沫乃內諸藥煮取三升去滓分服一升厚覆取微汗汗出多者溫粉粉之一服汗者不可再服若復服汗多亡陽遂虛惡風煩燥不得眠也忌海藻菰菜生葱等物

並出
第二

卷中張仲景傷寒論云中
風見傷寒脉者可服之

傷寒結胸方七首

一十
二法

病源結胸者謂熱毒氣結聚於心胸也此由病發於陽
而早下之熱氣乘虛而痞結不散也按之痛其脉寸口
浮關上反自沈是也脉大不可下下之則死脉浮而大
下之爲逆若陽脉浮關上細小沈緊而飲食如故時小
便利者名爲藏結藏結病舌上白胎滑者爲難療不往
來寒熱其人反靜舌上不胎者不可攻之

出第七卷中

張仲景傷寒論問曰病有結胸有藏結其狀如何答曰
按之痛寸脉浮關脉沈名結胸也問曰何謂藏結答曰
如結胸狀飲食如故時時下利寸口脉浮關上小細而
沈緊名藏結舌上白胎滑者爲難治藏結無陽證不往
來寒熱其人反靜舌上胎滑者不可攻也病發於陽而
反下之熱入因作結胸病發於陰而反下之一作汗之因作
痞也所以成結胸者以下之太早故也
結胸證悉具煩躁者亦死

結胸證其脉浮大者不可下也下之則死

夫結胸病項亦強如柔痙狀下之則和宜大陷胸丸方

蜀大黃

半斤

葶藶子

半升熬

杏仁

半升去皮尖熬令赤黑色

芒硝

半升

右四味擣篩二味杏仁合芒硝研如泥和散合和丸

如彈子大每服一九用甘遂末一錢匕白蜜一兩水

二升同煮取一升溫頓服之一宿乃自下如不下更

服取下爲效

千金翼同

又太陽病脉浮動數浮則爲風數則爲熱動則爲痛數則爲虛頭痛發熱微盜汗出而反惡寒表未解也醫反下之動數變遲膈內拒痛一云頭痛即眩胃中空虛客熱動膈短氣煩躁心內懊懣陽氣內陷心下因堅則爲結胸大陷胸湯主之

若不結胸但頭汗出餘處無汗劑頸而還小便不利身必發黃大陷胸湯方

蜀大黃

六兩

甘遂末

一錢七

芒硝

一升

右三味以水六升先煮大黃取二升去滓內芒硝煮
一兩沸內甘遂末溫服一升得快利止後服

千金翼同

又傷寒六七日結胸熱實脉沈緊心下痛按之石堅大
陷胸湯主之方依前法

但結胸無大熱者此水結在胸脇也但頭微汗出者大
陷胸湯主之方依前法

又傷寒十餘日熱結在裏復往來寒熱者與大柴胡湯
大柴胡湯方

柴胡 半斤

枳實 四枚

生薑 五兩

黃芩 三兩

芍藥 三兩

半夏 半升

大棗 十二枚

右七味切以水一斗二升煮取六升去滓更煎取三升溫服一升日三服一方加大黃二兩若不大黃恐不名爲大柴胡湯忌羊肉餛千金翼古今錄驗同

又太陽病二三日不能卧但欲起心下必結脉微弱者本有久寒也而反下之若利止者必作結胸未止者四日復下之此作協熱利也

又太陽病下之其脉促不結胸者此爲欲解也若心下滿鞭痛者此爲結胸也大陷胸湯主之但滿而不痛者此爲痞柴胡不中與之也宜半夏瀉心湯主之方

半夏

半升洗

乾薑

三兩

人參

三兩

甘草

三兩炙

黃連

一兩

大棗

十二枚擘

黃芩

三兩

右七味切以水一斗煮取六升去滓溫服一升日三

若須大陷胸湯服者如前法忌羊肉餛蛄海藻松菜豬

肉冷水等

千金翼同一方半夏五兩

又小結胸病正在心下按之則痛脉浮滑者小陷胸湯
主之方

黃連

一兩上好者

括萎實

一枚大者破

半夏

半升洗

右三味切以水六升煮括萎實取三升去滓內諸藥
煮取二升去滓溫分三服忌羊肉鰾豬肉千金翼同

又病在太陽應以汗解之反以冷水漬之若灌之其熱
却不得去彌更益煩皮上粟起意欲飲水而反不渴者
服文蛤散若不差者與五苓散用前篇方

士弱氏曰熱得冷水之氣

約退而後却也

又寒實結胸無熱證者與三物小陷胸湯方如前法白

散亦可服

文蛤散方

士弱氏曰龐安常云無熱證者與三物白散小陷胸湯治熱白散治寒青哉言乎

文蛤

五兩

右一味搗篩爲散以沸湯和一方寸匕服之湯用五

合

千金翼同

又白散方

桔梗 三分

貝母 三分

巴豆 一分去心及皮熬令黑赤別研如脂

右三味搗篩更於臼內搗之以白飲和服強人半錢匕羸人減之病在膈上則吐在膈下則利利不止飲

冷粥一杯止忌豬肉蘆笋等

並出第四卷中千金翼同

傷寒嘔噦方一十四首

病源傷寒病後胃氣不和此由初受病時毒熱氣盛多服冷藥瀉下及飲冷水病折以後熱勢既退冷氣乃動故使心下堅牢噫噦食臭腹內雷鳴而泄利此由脾胃

氣虛冷故也

出第八卷中

仲景傷寒論療嘔噦心下悸痞鞭不能食小半夏湯方

半夏

洗一升

生薑

八兩去皮

右二味切以水七升煮取一升半去滓分再服忌羊

肉餒

又療嘔噦心下痞鞭者以膈間有水頭眩悸半夏加茯苓湯方

苓湯方

半夏

洗一升

生薑

八兩去皮

茯苓

三兩

右三味切以水七升煮取一升半去滓溫分再服忌羊肉餛酢等物

又療胸內似喘不喘似嘔不嘔似噦不噦心中憤憤然徹無聊賴者生薑汁半夏湯兼主天行方

生薑汁一升半夏半升洗切

右二味以水三升煎半夏取一升內薑汁取一升半綿漉小冷分二服一日一夜服令盡嘔噦一服得止

者停後服忌羊肉餛救急同

又療乾嘔噦若手足厥冷者小橘皮湯兼主天行方

橘皮

四兩

生薑

八兩去皮

右二味狹長切以水七升煮取三升去滓小冷服一

升下咽則愈

救急同出第十六卷中

深師療傷寒病哕不止甘草湯方兼主天行

甘草

炙 三兩

橘皮

三兩

右二味切以水五升煮取一升去滓頓服之日三四

服取差忌海藻松菜

崔氏同

又半夏散方

半夏

洗焙乾

右一味末之生薑湯和服一錢匕忌羊肉飴等

又赤蘇湯方

赤蘇

一把

右一味水三升煮取一升去滓稍稍飲之

肘後同

又乾薑丸方

乾薑

六分

附子

四分炮

右二味擣篩以苦酒九如梧子服三九日三服酒飲

下皆得忌豬肉

肘後同

又療傷寒噦甘竹茹湯方

甘竹茹

四兩

生白米

一升

右二味以水八升煮之取米熟湯成去滓分服徐徐服療風熱氣噦甚神驗諸噦亦佳

又療傷寒嘔噦胸滿虛煩不安大橘皮湯方

橘皮

一兩

甘草

一兩

生薑

四兩

人參

二兩

右四味切以水六升煮取二升去滓分三服忌海藻

松菜

並出第十四卷中

小品茅根橘皮湯療春夏天行傷寒胃冷變哕方

白茅根

切一升

橘皮

三兩

桂心

切二兩

右三味切以水六升煮取三升去滓溫分三服數數服之盡復合之哕止乃停取微汗有熱減桂心一兩

忌生葱

文仲同出第六卷中一方有葛根二兩

千金療傷寒後嘔噦及乾嘔不下食生蘆根飲方

生蘆根

切一升

青竹筴

一升

粳米

三合

生薑

二兩切

右四味以水七升先煮千里鞋底一隻取五升澄清下藥煮取二升半去滓隨意便飲不差重作

又療傷寒後嘔噦通草湯方

通草

三兩

生蘆根

切一升

橘皮

一兩

粳米

三合

右四味切以水五升煮取二升去滓隨意便稍飲不差更作取差止

古今錄驗文仲同出第十卷中

千金翼乾嘔吐涎沫而頭痛茱萸湯主之方

吳茱萸

一升炒

大棗

十二枚擘

生薑

六兩切

人參

三兩細剉

右四味以水五升煮取二升去滓分服七合日三

景仲

同出第十卷中此
張仲景傷寒論方

傷寒咽喉痛方八首

病源傷寒病過經而不愈脉反沈遲手足厥逆者此爲下部脉不至陰陽隔絕邪客於足少陰之經毒氣上熏故喉咽不利或痛而生瘡

出第七卷中

仲景傷寒論少陰病咽喉痛者半夏散及湯主之方

半夏

洗

甘草

炙

桂心

右三味等分各擣篩畢更合擣之以白飲服方寸匕
日三服若不能服散者水一升煮七沸內散兩匕更
煮三沸下火令小冷少少含細嚥之半夏有毒不當
散服之忌羊肉生葱海藻松菜飴

千金翼同出第六

卷中

文仲療傷寒毒攻喉咽腫痛方兼主天行

切商陸炙令熱以布藉喉以熨布上冷復易之

肘

後同

又方

真簡茹瓜甲大內口中以牙小嚼汁以漬喉當微

覺異爲佳亦主天行

肘後同

又附子丸方

附子

炮

藜蘆

等分

右二味末之蜜和丸服如梧子一枚飲下含黃蘗亦

佳忌豬肉狸肉

並出第二卷中

深師貼喉膏療傷寒舌強喉痛方

蜜

一升

甘草

四兩

豬膏

半斤

右三味微火煎甘草豬膏令數沸去滓乃內蜜溫令銷相得如棗大含化稍稍咽之忌海藻松菜

出第十卷中

集驗療傷寒熱病喉中痛閉塞不通烏扇膏方

生烏扇

一斤切

豬脂

一斤

右二味合煎烏扇藥成去滓取如半雞子薄綿裹之

內口中稍稍咽之取差忌酒蒜等物

張文仲千金等同

又升麻湯方

升麻

三兩

通草

四兩

射干

二兩

羚羊角

三兩

屑

芍藥

三兩

生蘆根

切一升

右六味切以水七升煮取二升半去滓分爲三服徐

徐服

千金古今錄驗同並出第三卷中

千金治傷寒熱病後口乾多唾咽痛乾棗丸方

乾棗

二十枚

烏梅

十枚

右二味擣合蜜和丸如杏核大綿裹含化嚥津自愈

出第十

卷中

傷寒吐唾血及下血方三首

病源此由諸陽受邪熱初在表應發汗而汗不發致使熱毒入深結於五藏內有瘀積故吐血

出第八卷中

仲景傷寒論吐血不止者柏葉湯主之方

青柏葉

三兩

乾薑

二兩切

艾

三把

右三味以水五升煮取一升去滓別絞取新出馬通汁一升相和合煎取一升綿濾之溫分再服馬通是

馬屎汁也

一方有阿膠無艾

又吐血下血黃土湯主之方

釜竈下黃焦土

半升綿裹

甘草

三兩炙

乾地黄

三兩

白朮

三兩

附子

三兩炮破

阿膠

三兩炙

黃芩

三兩

右七味切以水八升煮六味取二升去滓內膠令烺

分三服忌海藻松菜蕪荑豬肉桃李雀肉等物

並出第十

六卷
中

古今錄驗蒲黃湯療傷寒溫病天行疫毒及酒客熱傷

中吐血不止面黃乾嘔心煩方

蒲黃

桑寄生

桔梗

一作
枯薑

犀角

屑

甘草

各二
兩炙

葛根

三兩

右六味切以水七升煮取三升去滓分三服徐徐服之忌海藻松菜豬肉

出第三卷中

傷寒衄血方四首

病源傷寒病衄血者此由五藏熱結所爲也心主血肝藏血熱邪傷於心肝故衄血也衄者鼻出血也肺主氣

而開竅於鼻血隨氣行所以從鼻出陽明病口燥但欲
漱水不欲嚥者此必衄衄家不可攻其表汗出額上脉
急而緊直視而不能眴不得眠亡血不可攻其表汗出
則寒慄而振脉浮緊發熱其身無汗自衄者愈

出第八卷中

肘後療傷寒大病差後小勞便鼻衄牡蠣散及丸方

左顧牡蠣

十分

石膏

五分

右二味擣末酒服方寸匕日三四亦可蜜丸如梧子

大酒服十五丸

集驗千金並同
出第二卷中

小品芍藥地黃湯療傷寒及濕病應發汗而不發之內
瘀有畜血者及鼻衄吐血不盡內餘瘀血面黃大便黑
者此主消化瘀血

芍藥

三分

地黃

半斤

丹皮

一兩

犀角屑

一兩

右四味切以水一斗煮取四升去滓溫服一升日二
三服有熱如狂者加黃芩二兩其人脉大來遲腹不
滿自言滿者爲無熱不用黃芩

又茅花湯 療傷寒鼻衄不止主之方

茅花 一大把

右以水八升煮取三升分三服即差若無茅花取茅根代之亦可

又麥門冬湯 療傷寒身熱衄血嘔逆主之方

麥門冬

石膏

寒水石

各三兩

甘草

二兩

桂心 一兩

右五味切以水一斗煮取三升分三服

傷寒煩渴方九首

病源此由陰氣少陽氣勝故熱而煩滿也少陰病惡寒而踈時自煩欲去其衣被者可治也病脉已解而反發煩者病新差又強與穀脾胃氣尚弱不能消穀故令微煩損穀即愈少陰病脉微細而沈但欲卧汗出不煩欲自吐五六日自利後煩躁不得卧寐者死發汗後下之脉平而少煩此新虛不勝穀氣故也又傷寒渴者由熱氣入於藏流於少陰之經少陰主腎腎惡燥故渴而引飲

仲景傷寒論療傷寒汗出惡寒身熱大渴不止欲飲水至二斗者白虎加人參湯主之方

知母

六兩

石膏

粳米

各一升

人參

三兩

甘草

二兩

右五味切以水一斗二升煮米熟去米內諸藥煮取六升去滓溫服一升日三忌海藻松菜

出第十卷
中小品同

又若脈浮發熱渴欲飲水小便不利者豬苓湯主之方

豬苓

一兩
去皮

茯苓

一兩

阿膠

一兩
炙

滑石

一兩
碎
綿裹

澤瀉 一兩

右五味以水四升先煮四物取二升去滓內阿膠令

烊銷溫服七合日三服忌醋物 千金翼同出第五卷

中

范汪括萋湯主渴飲方

括萋根

內黃脉少者三兩

右一味切以水五升煮取一升分二服先以青淡竹瀝一升合水二升煮好銀二兩減半去銀先與病人

飲之訖須臾後乃服括萋湯其銀汁須冷服

出第二

十卷中

千金療傷寒後結熱在內煩渴青箱子九方

青箱子

五兩

龍膽

三兩

黃芩

一兩

梔子仁

一兩

苦參

一兩

黃蘗

二兩

括萋

一兩

黃連

二兩

右八味擣篩爲末蜜丸先食服如梧子七丸飲下日

三不知稍增忌豬肉冷水

集驗同出第九卷中

深師黃芩人參湯療傷寒吐下後內外有熱煩渴不安

方

黃芩

人參

甘草

桂心

生薑

各二兩

大棗

十五枚擘

右六味切以水八升煮取三升分三服徐徐服忌菰菜海藻生葱等物

又療傷寒除熱止渴欲飲水括萎根湯方

黃芩

三兩

人參

二兩

桂心

二兩

大黃

二兩

括萎根

三兩

芒硝

二兩

甘草

二兩炙

右七味切以水八升煮取三升去滓飲一升須臾當下不下復飲一升得下止勿復飲湯藥力勢歇乃可食糜耳一方用生薑二兩忌海藻菰菜生葱油膩等物

又療傷寒下後除熱止渴五味麥門冬湯方

麥門冬

去心

五味子

人參

甘草

炙

石膏

碎各一兩

右五味搗篩三指撮水一升二合煮令沸得四合盡

服忌海藻松菜

竝出第十四卷中

古今錄驗黃龍湯療傷寒十餘日不解往來寒熱狀如
溫瘧渴胸滿心腹痛方

半夏

洗半升

生薑

三兩

人參

三兩

柴胡

半斤

黃芩

三兩

甘草

炙三兩

大棗

十二枚擘

右七味切以水一斗二升煮取六升去滓更煎取三
升溫服一升日三服不嘔而渴去半夏加栝蒌根四
兩服如前忌羊肉餠海藻松菜等物

出第三卷中此
本張仲景傷寒

論方

又高堂九療傷寒苦渴煩滿欲死令極飲水法方

大黃 二分

硝石 三分
熬

釜底墨 一分

竈突中墨

一分

黃芩 一分

梁上塵 一分

竈中黃土

一分

麻黃 二分
去節

胡洽用芒硝無黃土

右八味篩末蜜和如彈丸大取一九著一盞水中盡用服之即自極飲水汗出得熱除矣一名黑奴丸一

名駐車丸并療溫瘧神良

並出第二卷中此方第一卷用小麥黑奴名黑奴丸

傷寒癰實及宿食不消方二首

病源此謂被下後六七日不大便煩熱不解腹滿而痛此爲胃中有乾糞挾宿食故也或先患寒癰因有宿食又感於傷寒熱氣相搏故宿食不消也

出第八卷中

深師駛鼓丸療傷寒留飲宿食不消一名續命丸方

黃芩

五兩

大黃

五兩

梔子仁

十六枚

黃連

五兩去毛

鼓

一升熬

甘遂

三兩太山者

麻黃

五兩去節

芒硝

二兩

右七味切以水八升煮取三升去滓飲一升須臾當下不下復飲一升得下止勿復飲湯藥力勢歇乃可食糜耳一方用生薑二兩忌海藻菰菜生葱油膩等物

又療傷寒下後除熱止渴五味麥門冬湯方

麥門冬

去心

五味子

人參

甘草

炙

石膏

碎各一兩

右五味搗篩三指撮水一升二合煮令沸得四合盡

服忌海藻松菜

竝出第十四卷中

古今錄驗黃龍湯療傷寒十餘日不解往來寒熱狀如
溫瘧渴胸滿心腹痛方

半夏

洗半升

生薑

三兩

人參

三兩

柴胡

半斤

黃芩

三兩

甘草

炙三兩

大棗

十二枚擘

右七味切以水一斗二升煮取六升去滓更煎取三
升溫服一升日三服不嘔而渴去半夏加栝蒌根四
兩服如前忌羊肉餠海藻松菜等物

出第三卷中此
本張仲景傷寒

論方

又高堂九療傷寒苦渴煩滿欲死令極飲水法方

大黃 二分

硝石 三分
熬

釜底墨 一分

竈突中墨

一分

黃芩 一分

梁上塵 一分

竈中黃土

一分

麻黃 二分
去節

胡洽用芒硝無黃土

右八味篩末蜜和如彈丸大取一九著一盞水中盡用服之即自極飲水汗出得熱除矣一名黑奴丸一

名駐車丸并療溫瘧神良

並出第二卷中此方第一卷用小麥黑奴名黑奴丸

傷寒癰實及宿食不消方二首

病源此謂被下後六七日不大便煩熱不解腹滿而痛此爲胃中有乾糞挾宿食故也或先患寒癰因有宿食又感於傷寒熱氣相搏故宿食不消也

出第八卷中

深師馱鼓丸療傷寒留飲宿食不消一名續命丸方

黃芩

五兩

大黃

五兩

梔子仁

十六枚

黃連

五兩去毛

鼓

一升熬

甘遂

三兩太山者

麻黃

五兩去節

芒硝

二兩

巴豆

一百枚去皮
及心熬研

右九味搗篩白蜜和丸如梧子服三九以吐下爲度
若不吐利加二九一本有杏仁七十枚忌豬肉冷水

蘆笋肉

出第十四卷
中范汪同

古今錄驗續命丸療傷寒及癖實痰飲百病方

大黃

五兩

黃連

一兩

麻黃

五兩
去節

甘遂

三兩
熬

黃芩

二兩

芒硝

二兩
研

杏仁

七十枚去
皮尖熬

巴豆

一百枚去
心熬研

豉

一升
熬

右九味攪篩蜜和丸得傷寒一日服一丸如小梧子
大二日二九至六七日六七丸但吐下得汗愈若水
瀝及痰實服三五九日二忌豬肉冷水蘆筍

范汪延年刪繁

同出第
三卷中

傷寒春冬欬嗽方三首

病源此由邪熱客於肺也上焦有熱其人必飲水水停
心下則肺為之浮肺主於欬水氣乘之故欬嗽

出第八
卷中

小品射干湯主春冬傷寒秋夏中冷欬嗽曲拘不得氣

息喉鳴啞失聲乾嗽無唾喉中如哽者方

射干 二兩

半夏 洗 五兩

杏仁 二兩 去皮 尖兩仁

乾薑 二兩 炮

甘草 二兩 炙

紫苑 二兩

肉桂 二兩

吳茱萸 二兩

當歸 二兩

橘皮 二兩

麻黃 二兩 去節

獨活 二兩

右十二味切以水一斗煮取三升去滓溫分三服始病一二日者可服此湯汗後重服勿汗也病久者初服可用大黃二兩初秋夏月暴雨冷及天行暴寒熱

伏於內宜生薑四兩代乾薑除茱萸用枳實二兩炙
忌羊肉海藻松菜錫生葱

出第六卷中

古今錄驗下氣橘皮湯療春冬傷寒秋夏冷濕欬嗽喉
中鳴聲上氣不得下頭痛方

橘皮

紫莞

麻黃

去節

杏仁

去雙
仁尖

皮

當歸

桂枝

甘草

炙

黃芩

各三
分

右八味切以水七升煮取三升分三服不差重合之

忌海藻松菜生葱

出第三卷中

延年療傷寒骨節疼頭痛眼睛疼欬嗽知母湯方

知母

二兩

貝母

三兩

乾葛

三兩

芍藥

三兩

石膏

四兩
碎裹

黃芩

三兩

杏仁

一兩去皮
尖及雙仁

梔子仁

三兩
擘

右八味切以水七升煮取二升五合去滓分爲三服

如人行八九里再服忌蒜麪七日

出第九卷中

傷寒攻目生瘡兼赤白瞽方六首

病源目者藏腑之精華肝之外候也傷寒熱毒壅滯熏
蒸於肝上攻於目則令目赤腫痛若毒氣盛者眼生瞖
膜又肝開竅於目肝氣虛熱乘虛上衝於目故目赤痛
重者生瘡瞖白膜息肉

出第八卷中

肘後療傷寒大病後熱毒攻目方

煮蜂房以洗之日六七度

張文仲同

又方

冷水漬青布以掩目

張文仲同

又療熱病後生醫方

燒豉二七粒末內管中以吹之

並出第二卷中
文仲備急同

小品漏蘆連翹湯療傷寒熱毒變作赤色癰疽丹癰腫毒及眼赤痛生障瞽悉主之方兼療天行

漏蘆

二兩

連翹

二兩

黃芩

二兩

麻黃

二兩
去節

白欬

二兩

升麻

二兩

甘草

二兩
炙

大黃

三兩
切

枳實

三兩
炙

右九味切以水九升煮取三升去滓溫分三服相去

二食頃更服熱飲者可加芒硝二兩忌海藻松菜等

物

千金同

又秦皮湯療毒病衝眼忽生赤翳或白或腫膚起或赤痛不得視光痛入心肝或眼外浮腫如吹汁出生膜覆

珠子方

秦皮

二兩

前胡

二兩

常山

二兩

黃芩

二兩

升麻

二兩

芍藥

二兩

白薇

二兩

枳實

二兩炙

大黃

三兩

甘草

二兩炙

右十味以水八升煮取三升分三服相去二食頃更服若盛熱者可加芒硝二兩忌海藻松菜生葱生菜

出第六卷中一方加麝仁一兩梔子仁半兩

張文仲秦皮湯主傷寒病熱毒氣入眼生赤脉赤膜白膚白瞖者及赤痛不得見光痛毒煩惱者神効方

秦皮

升麻

黃連

各一兩

右三味切以水洗去塵用水四升煮取二升半冷之分用三合仰眼以綿繞筋頭取湯以滴眼中如屋漏

狀盡三合止須臾復用日五六遍乃佳忌豬肉冷水

出第二

卷中

傷寒口瘡方二首

病源夫傷寒冬時發其汗必吐利口中爛生瘡以其熱毒在藏心脾煩壅表裏俱熱熱不已毒氣熏於上焦故令口舌乾燥生瘡也

出第七卷中

深師療傷寒熱病口瘡黃蘗蜜方

黃蘗

削去上皮取裏
好處薄斜削

右一味以崖蜜半斤極清者以漬藥一宿唯欲令濃
含其汁良久吐之更復如前若胸中熱有瘡時飲三
五合尤良

又療傷寒口瘡爛者升麻湯方

升麻

一兩

甘草

一兩
炙

竹葉

切五
合

麥門冬

三分

去
心

牡丹

一分

乾棗

二十
枚擘

右六味切以水四升煮取一升半去滓分五服含稍
稍咽之爲度忌海藻菰菜胡荽等

並出第十四卷中

傷寒手足欲脫疼痛方七首

病源此由熱毒氣從內而出循經絡攻於手足也人五藏六腑并榮俞皆出於手足指故毒從藏腑而出也

出第

中
八卷

范汪療傷寒熱病手足腫欲脫方

生羊肉裹之腫消痛止

出第三十卷中深師同

崔氏療傷寒手足熱疼欲脫方

取羊屎煮汁以淋之差止亦療時疾陰囊及莖腫

亦可煮黃蘗洗之

肘後深師集驗千金備急並同出第一卷中

集驗療毒熱攻手足腫疼欲脫方

濃煮虎杖根適寒溫以漬手足入至踝上一尺

煎療

天行范汪肘後千金同

又方

酒煮苦參以漬之

范汪千金集驗同並出第二卷中

千金療毒熱病攻手足腫疼痛欲脫方

煮馬糞若羊糞汁漬之豬膏和羊糞塗之亦佳

范汪

集驗肘

後同

又方

取常思草絞取汁以漬之一名蒼耳

范汪集驗肘後同出第十

卷中

備急療熱病手足腫欲脫者方兼主天行

以稻穰灰汁漬之佳

集驗千金肘後同出第一卷中

傷寒虛羸方四首

病源其人血氣先虛復爲虛邪所中發汗吐下之後經

絡俱損傷陰陽竭絕熱邪始散真氣尚少五藏猶虛穀
神未復無津液以榮養故虛羸而生病焉

出第八卷中

集驗療傷寒虛羸少氣氣逆苦嘔吐方

石膏

一斤碎
綿裹

竹葉

一把

麥門冬

一斤
去心

人參

二兩

半夏

一升
洗

生薑

四兩

甘草

二兩
炙

右七味切以水一斗二升煮取六升去滓內粳米一

升米熟去米飲一升日三服忌海藻松菜羊肉錫

出第

三卷
中

又生地黄湯療傷寒有熱虛羸少氣心下滿胃中有宿食大便不利方

生地黄

三斤

大黃

四兩

大棗

二十枚

甘草

一兩炙

芒硝

二合

右五味合搗令相得蒸五升米下熟絞取汁分再服

忌海藻松菜

出第二卷中

千金療傷寒虛羸少氣嘔吐竹葉石膏湯方

石膏

一斤碎綿裹

竹葉

一把

麥門冬

一升去心

人參

二兩

半夏

半升洗

甘草

二兩

右六味以水一斗煮取六升去滓內粳米一升煮米

熟去米飲一升日三服忌海藻松菜羊肉錫

出第十卷中此

張仲景傷寒論方

張文仲梔子豉湯療吐下後虛羸欲死方

梔子

一十枚

豉

四合綿裹

右二味以水五升先煮梔子取二升內豉又煮三四

沸去滓分再服

支同此出姚萬第二卷中集驗備急同各用梔子十四枚

傷寒不得眠方四首

病源夫衛氣晝行於陽夜行於陰陰主夜夜主卧謂陽氣盡陰氣盛則目瞑矣今熱氣未散與諸陽并所以陽獨盛陰偏虛雖復病後仍不得眠者陰氣未復於本故也

出第八卷中

仲景傷寒論療傷寒發汗若吐下後虛煩不得眠劇則反覆顛倒心內苦痛懊懣者屬梔子豉湯證方

肥梔子

十四枚

香豉

四合綿裹

右二物以水四升先煮梔子取二升半去滓內豉更煮取一升半去豉分溫再服得吐止後服

肘後療大病差後虛煩不得眠腹中疼痛懊懣烏梅豉湯方

豉

七分
綿裹

烏梅

十四
枚擘

右二味以水四升煮烏梅取二升半內豉更煮取一升半去滓溫分再服無烏梅用梔子四枚

又半夏茯苓湯方

半夏

洗 三兩

秫米

一升

茯苓

四兩

右三味切以千里流水一石揚之萬遍澄取二斗合

煮諸藥得五升去滓溫分五服忌羊肉飴酢等物

出 註

第一

卷中

深師酸棗湯療傷寒及吐下後心煩乏氣晝夜不眠方

酸棗仁

四升

麥門冬

一升 去心

甘草

二兩 炙

蜣母

二兩 知母也

茯苓

二兩

芎藭

二兩

乾薑

三兩

右七味切以水一斗六升煮酸棗取一斗去棗內藥

煮取三升去滓溫分三服忌海藻松菜大醋

出第十卷中

傷寒小便不利方九首

病源傷寒發汗後而汗出不止津液少胃中極乾小腸

有伏熱故小便不通也

出第八卷中

仲景傷寒論少陰病二三日不已至四五日腹痛小便不利四肢沉重疼痛自下利者此為有水氣或欬或小便自利或下利或嘔者真武湯主之方

茯苓

三兩

白芍藥

三兩

附子

一枚炮去皮破八片

白朮

三兩

生薑

三兩
去皮

右五味切以水八升煮取三升去滓溫服七合日三
若欬者加五味子半升細辛一兩乾薑一兩若小便
自利者去茯苓若下利者去芍藥加乾薑二兩嘔者
去附子加生薑足前成半斤忌酢豬肉桃李雀肉等
出第六卷中深師
同兼主天行大効

又傷寒六七日已發汗而復下之胸脇滿結小便不利
渴而不嘔但頭汗出往來寒熱心煩者此未解也屬小

柴胡桂薑湯主之方

柴胡

半斤

桂心

三兩

黃芩

三兩

牡蠣

二兩
熬

甘草

二兩
炙

括萎根

四兩

乾薑

二兩

右七味切以水一斗二升煮取六升去滓更煎取三升溫服一升日三初一服微煩後汗出便愈忌生葱
海藻崧菜

出第四卷中

又療傷寒七八日身黃如橘子色小便不利腹微滿者
茵陳湯主之方

茵陳 六兩

肥梔子 十四枚

擘

大黃

二兩去皮酒洗破二片

右三味以水一斗二升先煮茵陳減二升去滓內二

物煮取三升去滓分溫三服日三小便當利尿如皂

莢沫狀色正赤一宿腹減黃從小便去

出第五卷中張文仲千金

並同

又服桂枝湯或下之仍頭項強痛翕翕發熱無汗心下滿微痛小便不利者桂枝去桂加茯苓白朮湯主之方

芍藥

生薑 切

白朮

茯苓

各三兩

甘草

二兩炙

大棗

十二箇擘

右六味切以水八升煮取三升去滓溫服一升小便利則愈忌海藻菰菜酢桃李雀肉等

肘後療小腹滿不得小便方兼療天行

細末雄黃蜜和爲丸如棗核內溺孔中令入半寸

出第

二卷中

文仲同

千金翼療少陰病四逆其人或欬或悸或小便不利或腹中痛或洩利下重四逆散方

甘草

炙 十分

枳實

炙 十分

柴胡

十分

芍藥

十分

右四味擣細篩白飲和服方寸匕日三服嗽者加五味子乾薑各五分并主下利胸中悸者加桂心五分小便不利者加茯苓五分腹中痛者加附子一枚洩利下重者先以水五升煮薤二升取三升以散三方寸匕內湯中煮之取一升半分再服忌海藻松菜

仲景

范汪同出

第十卷中

崔氏療傷寒熱盛小便不利滑石湯方兼療天行

滑石

屑二兩

葶藶子

一合
熬

右二味以水二升煮取七合去滓頓服之

又方

擣生葱傅臍下橫文中燥則易之

又瞿麥湯方

瞿麥

三兩

甘草

三兩
炙

滑石

四兩

葵子

二合
半

石韋

三兩
去毛令盡

右五味切以水八升煮取二升半分三服忌海藻松

榮

並出第一卷中
古今錄驗同

傷寒下痢及膿血黃赤方一十六首

病源傷寒病若表實裏虛熱氣乘虛而入攻於腸胃則下黃赤汁若溫毒氣盛則腹痛壯熱下膿血如魚腦或如爛肉汁若寒毒入胃則腹滿身熱下清穀下清穀者不可攻表汗出必脹滿表裏俱虛故也

傷寒六七日下利便發熱而痢其人汗出不止者死但有陰無陽故也

下利有微熱其人渴脉弱者今自愈脉沈弦者下重其
脉大者爲未止脉微數者爲欲自止雖發熱不死少陰
病八九日而一身手足盡熱熱在膀胱必便血下利脉
反浮數尺中自濇其人必圊膿血少陰病下利若利自
止惡寒而欲踰手足溫者可療陽明病下利其人脉浮
大此皆爲虛弱強下之故也

傷寒下利日十餘行其人脉反實者死

出第八卷中張仲景傷寒論陽

明無下利證不可下或有云下利其脉浮大者此皆爲
虛以強下之故也設脉浮革因爾腸鳴當溫之與水即

藏

仲景傷寒論傷寒本自寒下醫復吐之下之不解者寒
格更逆吐下食入還吐出者屬乾薑黃連人參湯主之
方

乾薑

黃連

黃芩

人參

各三兩

右四味切以水六升煮取二升去滓分再服之忌豬

肉冷水等

出第六卷中

又太陽病桂枝證醫反下之利遂不止脈促者表未解

也喘而汗者屬葛根黃連湯方

葛根

八兩

黃連

三兩 金

黃芩

三兩 切

甘草

二兩

右四味切以水八升先煮葛根減二升掠去沫內諸藥煮取二升去滓溫分再服忌豬肉冷水海藻松菜

出第七

卷中

肘後療傷寒若下膿血者赤石脂湯方

赤石脂

二兩 碎

乾薑

二兩 切

附子

一兩 炮破

右三味以水五升煮取三升去滓溫分三服後臍下

痛者加當歸一兩芍藥二兩用水六升煮忌豬肉

范汪

張文

仲同

又主下利不能食者兼療天行黃連丸方

黃連

一兩

烏梅

炙燥二十枚

右二味搗末臘如博碁子一枚蜜一升於微火煎令

可丸如梧子一服十五丸日三忌豬肉冷水

出第一卷中

又白通湯療傷寒泄痢不已口渴不得下食虛而煩方

大附子

一枚生剉去黑皮破八片

乾薑

半兩炮

甘草

半兩炙

葱白

十四莖

右四味切以水三升煮取一升二合去滓溫分再服

渴微嘔心下停水者一方加犀角半兩大良忌海藻

菰菜豬肉

范汪同出第十四卷中張仲景傷寒論白通湯惟主少陰下利厥逆無脈乾躁而煩

者白通加豬膽湯主之本無甘草仍不加犀角

范汪療傷寒腹中微痛不止下利秦皮湯方

秦皮

三兩

黃連

四兩

白頭翁

二兩

阿膠

三兩

右四味㕮咀三味以水八升煮得二升絞去滓內膠

令煇適寒溫先食飲七合日二服忌豬肉冷水

又豉薤湯療傷寒暴下及滯利腹痛方

豉

一升

薤白

一把寸切

右二物以水三升煮令薤熟漉去滓分為再服不差

復作

又蕙草湯療傷寒除熱止下利方

蕙草

二兩

黃連

四兩

當歸

二兩

右三味切以水六升煮得二升適寒溫飲五合日三

忌豬肉冷水等物

又療傷寒下利脉微足厥冷通草湯方

通草

一兩

乾薑

一兩

枳實

四兩

人參

一兩

附子

一枚炮
令裂破

右五味切以水六升煮取二升適寒溫飲五合日三
不差稍加至七合忌豬肉

並出第三十卷中

小品犀角湯療熱毒下黃赤汁及赤如腐爛血及赤滯
如魚腦腹痛壯熱諸藥無效方

黃蘗

半 一兩

黃芩

半 一兩

白頭翁

一兩

黃連

二兩

當歸

一兩

牡蠣

半 一兩

犀角

兩 屑半

艾葉

半兩

石榴皮

半 一兩

桑寄生

一兩

甘草

炙 一兩

右十一味切以水八升煮取三升分三服忌豬肉冷

水海藻松葉

出第六卷中古今錄驗同

集驗療傷寒後下利膿血藥皮湯方

黃蘗

二兩

黃連

四兩

梔子仁

十四枚 擘

阿膠

一兩 炙

右四味切以水六升煮三味取二升去滓內膠令烺

溫分再服忌豬肉冷水

范汪同出第二卷中

千金翼熱利下重白頭翁湯主之方

白頭翁

二兩

黃蘗

三兩

黃連

三兩

秦皮

三兩切

右四味切以水七升煮取二升去滓分服一升不愈

更服忌豬肉冷水

范汪同出第十卷中此張仲景傷寒論方

崔氏療傷寒後赤白帶下無數阮氏桃華湯方

赤石脂

八兩冷多白帶者加四兩

粳米

一升

乾薑

四兩冷多白帶者加四兩

切

右三味以水一斗煮米熟湯成去滓服一升不差復

作熱多則帶赤冷多則帶白

千金翼方不同加減稍別傷寒論千金范汪同

張仲景傷寒論煮湯和赤石脂末一方寸匕服

又療傷寒熱利黃連丸方

黃連

三兩去毛

當歸

三兩

乾薑

二兩

赤石脂

二兩

切

右四味擣篩蜜和丸如梧子大服三十九日三叔尚書以療熱痢是歲傳與東都當方諸軍營及夏口戍

人發者數千餘人余時亦復用之亦佳但時用之不
及諸湯速耳當服百丸許乃斷忌豬肉冷水

竝出第

一卷中

張文仲陶氏傷寒下利豉薤湯方

豉

一斤
綿裹

薤白

一握

梔子

十四枚
擘破

右三味以水五升煮取二升半去滓溫分三服小品
云此方主溫毒及傷寒內虛外熱攻腸胃下黃赤汁
及如爛肉汁并去赤滯下伏氣腹痛諸熱毒悉主之

水四升先煮梔子薤白令熟內豉煮取二升分三服

千金備

急方同

又療傷寒下利惡血不止犀角湯方

乾薑

一兩

犀角

一兩
末

地榆

一兩

蜜

二合

右四味切以水五升煮取一升半去滓下蜜更煮至

一升分三服自愈此治熱毒蟲利

千金同並出
第十五卷中

傷寒蜜瘡方一十首

病源凡得傷寒及天行熱病日數較多腹內有熱又人

食少腸胃空虛三蟲行作求食食人五藏及下部也蠹
病之候齒斷無色舌上盡白甚者脣裏有瘡四肢沈重
忽忽喜眠如此皆爲蟲食其肛肛爛見五藏則死當數
看其上脣內有瘡唾血脣內如粟瘡者則心內懊懣痛
此蟲在上食其五藏下脣内生瘡者其人不寤此蟲食
下部皆能殺人

出第八卷中

肘後若病人齒斷無色舌上白者或喜眠憤憤不知痛
痒處或下利宜急療下部不曉此者但攻其上不以爲

意下部生瘡蟲食其肛肛爛見五藏便死

燒馬蹄作灰細末豬膏和塗綿以導下部日數度

差

又桃仁苦酒湯方

桃仁

五十枚去皮尖及兩仁

苦酒

二升

鹽

一合

右三味煮取六合去滓盡服之

並出第一卷中

深師療蠶食下部桃皮湯方

桃皮

二兩

槐子

二兩

艾

二兩

大棗

三十枚擘

一方用

黃連

右四味切以水五升煮取三升去滓溫分三服之

又療蠶蟲食下部方

以泥作甕以竹筒如指所橫穿甕肚筒一頭內下
孔中內如雞子爇之人就甕口吹之常令爇燒
強人可益艾甚良

千金同

又龍骨湯治傷寒已八九日至十餘日大煩渴熱盛而
三焦有瘡蠶者多下或張口吐舌呵吁咽爛口鼻生瘡

吟語不識人宜服此湯除熱毒止痢神方

龍骨

半斤
碎

右一味以水一斗煮取四升沈之井底令冷服五合
餘漸漸進之恣意如飲尤宜老少無味殆如飲水亦

斷下

文仲備急
千金等同

又療傷寒及諸病之後內有瘡出下部煩者黃連犀角
湯方

黃連

一兩
去毛

烏梅

十四
枚擘

犀角

三兩

青木香

半兩

右四味切以水五升煮取一升半分再服忌豬肉冷

水等

竝出第十四卷中

范汪療傷寒心中懊懣下利穀道中爛傷當服懊懣散
以蜜藥內穀道中懊懣散方

崔蘆

十分

乾漆

二分

篇蓄

二分

右三味各異擣篩粉粥飲服一錢匕先食日再服

千金

同

又療蜜懊懣麝香散方

麝香

一分
研

雄黃

一分
研

丹砂

一分
研

犀角

一分
屑

羚羊角

一分
研

青箱子

一分

黃連

一分

升麻

一分

桃仁

一分
熬

貝齒

一分

右十味竝擣合下篩先食以小麥粥服錢五匕服藥

訖復以錢五匕綿裹以導穀道中食頃去之日三忌

豬肉冷水生血等物

竝出第三十三卷中

小品青箱子散療熱病有蠟下部生瘡方

青箱

一兩

蘆蘆

四兩

狼牙

三分

橘皮

二分

篇蓄

二分切之

右五味搗下篩粥飲和合服兩錢匕日三不知稍增

之

出第六卷中千金
同有甘草一分

張文仲療傷寒兼蠱瘡王叔和云其候口脣皆生瘡唾
血上脣內有瘡如粟者則心中懊懣痛如此則此蟲在
上乃食五臟若下脣內生瘡其人喜眠者此蟲在下食
下部分

取雞子一枚扣頭出白與漆一合熟和令調如漆

還內穀中仰吞之食頃或半日或下蟲或吐蟲劇者再服乃盡熱除病愈凡得熱病腹內熱食少三蟲行作求食食人五藏及下部人不能知可服此藥不爾蠶蟲殺人

集驗深師肘後同

又方

豬膽

一具

右一味漬著半升苦酒中和之煎三沸三下三上藥成可放溫空腹飲一滿口蟲即死有人經用之驗

出並

第二卷中

千金同

傷寒陰陽易方八首

病源傷寒陰陽易病者是男子婦人傷寒病新差未平復而與之交接得病者名爲陰陽易也其男子病新差未平復而婦人與之交接得病者名陽易其婦人得病新差未平復而男子與之交接得病者名陰易若二男二女竝不相易所以呼爲易者陰陽感動其毒度著於人如換易也其病之狀身體重小腹裏急或引陰中拘

攣熱上衝胸頭重不能舉眼内生眵四肢拘急小腹疔
痛手足拳皆即死其亦有不即死者病苦小腹裏急熱
上衝胸頭重不能舉百節解離經脉緩弱血氣空虛骨
髓枯竭便噓噓呼吸氣力轉少著牀不能動搖起止仰
人或引歲月方死

出第八
卷中

深師療婦人得溫病雖差平復未滿一百日不可與交
合交合爲陰易之病病必拘急手足拳皆死丈夫病以
易婦人名爲陽易速當療之可差滿四日不可療也宜

令服此藥方

乾薑

四兩

右一味擣末湯和一頓服溫覆汗出得解止手足伸

遂愈

范汪同出第十四卷中

范汪獬鼠糞湯療傷寒病後男子陰易方

薤

一大把

獬鼠糞

十四枚

右二味以水五升煮取二升盡飲之溫卧汗出便愈

亦理勞復

獬鼠尿兩頭尖者是也肘後薤作藍

又丹米湯療傷寒病已後男子陰易方

丹米

三兩

右一味末以薄酒和盡飲之溫覆汗出便愈亦隨人
大小不必三兩自以意消息之

又療交接勞復卵腫腹中絞痛便絕死竹皮湯方

刮青竹皮

一升

右一味以水三升煮五六沸絞去滓頓服立愈

肘後同

又療陰陽易括萆湯方

括萋根 二兩

右一味以水五升煮取一升分二服先以青淡竹瀝一升合水二升煮好銀二兩減半去銀先與病人飲之訖又須臾乃服湯小便利即差括萋湯銀汁須冷

服 與前療
渴方同

千金曰昔者有人得傷寒病已差未健請華專視脉專曰雖差尚虛未復陽氣不足勿爲勞事餘勞尚可御內即死臨死當吐舌數寸其妻聞其夫病除從百餘里來

省之止宿交接中間三日發病口舌出數寸而死病新
差未滿百日氣力未平復而以房室者略無不死有士
蓋正者病愈後六十日已能行射獵以房室則吐涎而
死及熱病房室名爲陰陽易之病皆難療多死近者有
士大夫小得傷寒差以十餘日能乘馬行來自謂平復
以房室則小腹急痛手足拘攣而死醫者張苗說有婢
得病後數十日有六人姦之皆死婦人得病易丈夫丈
夫得病亦易婦人療之燒裨散方兼主溫病陰易也

取女人中裊近隱處燒取灰

右一物爲散服方寸匕日三小便即利陰頭微腫此

爲愈矣女人病可取男子裊如前法酒水服

此本仲景方肘

後同

又療交接勞復卵腫縮腹中絞痛便欲死者方

取交接婦人衣服以覆男子

肘後同

又方

取女人手足瓜二十枚女人衣中裳一尺燒

右二味末以酒服亦可米汁飲服之

出第十卷
中肘後同

傷寒勞復食復方二十五首

病源傷寒病新差津液未復血氣尚虛若勞動早更復
成病故云復也若言語思慮則勞神梳頭澡洗則勞力
勞則生熱熱氣乘虛還入經絡故復病也其脉沉緊者
宜下之又食復傷寒病新差及大病之後脾胃尚虛穀氣
未復若食豬肉腸血肥魚及油膩物必大下利醫所不
能治也必至於死若食餅餌糒黍飴脯炙膾棗栗諸果

牢強難消之物胃氣虛弱不能消化必更結熱適以藥下之則胃氣虛冷大利難禁不下之必死下之亦危皆難救也大病之後多坐此死不可不慎護也夫病新差後但得食糜粥寧可少食令饑慎勿飽不得佗有所食雖思之勿與引日轉久可漸食羊肉糜若羹汁慎不可

食豬狗等肉

竝出第八卷中

廣濟療傷寒因食勞復頭痛壯熱梔子湯方

梔子

十四枚

香豉

一升

葱白

一握切

粟米

三合

雄鼠屎

二七枚燒
令煙絕末

右五味以水八升煮取二升三合去滓內鼠屎分三服服別相去如人行六七里須利內芒硝五分忌麪

炙肉蒜等物

出第一卷中

深師療勞復大青湯方

大青

四兩

甘草

二兩
炙

阿膠

二兩
炙

香豉

二兩

右四味切以水一斗煮取三升去滓溫服一升日五六欲盡復作常使有湯渴便飲無毒除熱止吐下傷

寒一二日上至十數日困篤發汗熱不解吐下後熱
不除止下痢甚良先煮大青甘草取四升去滓內膠
豉膠消盡便漉去勿令豉壞當預漬膠令釋也忌菰

菜海藻

集驗肘後
千金同

又方

取雞子空殼碎之熬令黃黑擣篩熱湯和一合服
之溫卧取汗愈雞子殼悉服之

肘後崔氏同

又方

取馬糞燒掣爲散冷酒服方寸匕良三炊頃便驗
神良

又療傷寒差後勞復葵子湯方

葵子

二升

梁米

一升

右二味合煮作薄粥飲之多多爲佳取汗立差

竝出
第十

四卷

中

范汪療傷寒病差語言書疏坐起行步勞復方

刮青竹皮多多煮之令厚濃服三升汁則愈

又傷寒已愈食飲多勞復大黃豉湯方

豉

五合

甘草

炙 二兩

桂心

二兩

大黃

四兩

芒硝

半斤

右五味㕮咀以水六升煮得二升去滓先食適寒溫
飲一升日再忌海藻松菜生葱等物

又療傷寒差已後飲食勞復梔子湯方

梔子

十四枚

豉

一升

桂心

二兩

麻黃

二兩

大黃

二兩

右五味㕮咀以水七升先煮麻黃掠去沫內餘藥更煮取二升去滓溫服一升日再服當小汗及下利忌

生葱

並出第三十四卷中

千金療傷寒溫病後勞復或食飲或動作梔子石膏湯方

梔子仁

三七枚擘

石膏

五兩碎

鼠屎

尖頭者二十枚

香豉

一升綿裹

右四味以水七升煮取三升分三服

又療勞復或因洗手足或梳頭或食等勞復方

取洗手足汁飲之一合即愈

又方

取頭垢如棗核大吞一枚

又方

取飯燒爲末飲進一升

肘後同

又療大病已差勞復者枳實梔子湯方

枳實

三枚炙

梔子

十四枚
擘

右二味以酢漿一斗先煎取六升煮藥取三升內豉

一升煎五六沸去滓分再服覆取汗如有宿食者內

大黃如碁子一枚

范汪救急集驗並同出第十卷中
張仲景傷寒論內大黃如博碁子

五六
枚

又療勞復垂死者方

煖湯三合洗四五歲女子陰取汁內口中服則愈

男兒亦得起死神方

又療食勞方

麴一餅煮取汁服之

又療食勞方

杏仁五十枚酢二升煎取一升服之取汗則差

又方

燒人糞灰水服之方寸匕

又療傷寒差後更頭痛壯熱煩悶者方

服黃龍湯三合日三服

又欲令病人不復者方

燒頭垢如梧子大服之

並出第十卷中

崔氏療傷寒勞復鼠屎湯方

梔子

二七枚
擘

豉 五合

鼠屎

兩頭尖者
二七枚

右三味以漿水二升煮取一升去滓頓服數試異驗

出第一

卷中

古今錄驗梔子湯療傷寒勞復方

梔子

十四枚
擘

麻黃

二兩去
節

大黃

二兩

豉

一升綿
裹

右四味切以水七升煮取二升分爲三服

深師肘
後同

又療傷寒勞復鼠屎湯方

鼠屎

二十一枚

豉

一升綿裹

梔子

七枚擘

大黃

三兩切

右四味以水五升煎取二升七合分三服微取汗應

小鴨溲下

千金同

又療病新差早起及食多勞復鼠屎豉湯方

鼠屎

兩頭尖者二十一枚

香豉

一升

右二味以水三升煮取一升盡服之溫卧令小汗

千金

同

又療食不消勞復脉實者鼠屎梔子豉湯方

豉

二升
綿裹

鼠屎

二十
一枚

梔子

七枚
擘

麻黃

三兩
去節

右四味以水五升煮取二升分服七合汗微出日三

服

千金麻黃作大黃

又療傷寒已愈食飲多復發者方

豉

五合綿裹

甘草

二兩炙

大黃

四兩

芒硝

半兩

右四味切以水九升煮取三升去滓飲一升日再忌

菰菜海藻等

范汪同

又療傷寒差令不復白芷散方

白芷

十二分

白朮

十分

防風

八分

括萎

五分

桔梗

四分

細辛

三分

附子

二分
炮
去皮

乾薑

二分

桂心

二分

右九味擣篩爲散以粳米粥清服一錢匕食已服二錢小兒服一錢常以雞子作羹喫粳米飯多少與病人食之亦未必常有雞子羹粳米飯如服藥訖即扶起令行步仍櫛頭洗手面食輒服之勞行如前則不復浩云數用佳忌豬肉桃李雀肉胡荽蒜青魚鮓生葱

生菜

范汪同出第三卷中
一方有人參三分

傷寒百合病方七首

病源傷寒百合病者謂無經絡百脉一宗悉致病也皆因傷寒虛勞大病之後不平復變成斯病也其狀意欲食復不能食常默默欲得卧復不得卧欲出行而復不能行飲食或有美時或有不用時聞飲食臭或如強健人而欲卧復不得眠如有寒復如無寒如有熱復如無熱至朝口苦小便赤黃百合之病諸藥不能療得藥則

劇而吐利如有神靈所加也身形如和其人脉微數每
尿輒頭痛其病六十日乃愈若尿時頭不痛淅淅然如
寒者四十日愈若尿時快然但眩者二十日愈其證或
未病而預見或病四五日而出或病二十日一月日復
見其狀惡寒而嘔者病在上焦也二十三日當愈其狀
腹滿微喘大便硬三四日一大便時復小溇者病在中
焦也六十三日當愈其狀小便淋瀝難者病在下焦也
四十三日當愈各隨其證以療之耳

並出第八卷中

仲景傷寒論療百合之病諸藥不能療若得藥則劇而吐痢如有神靈所加也身體仍和脉微數每尿時輒頭痛六十日乃愈尿時頭不痛淅淅然者四十日愈尿時快然但頭眩者二十日愈其證或未病而預見或病四五日而出或病二十日一月復見者悉療之又發汗已更發者百合知母湯主之方

百合

七枚擘

知母

三兩

右二味以泉水洗先漬百合經一宿上當白沫瀉却

其汁更以好泉水二升煮取一升去滓置之一處別以泉水二升煮知母取一升去滓二味汁相和煮取一升半分溫再服之

小品千金同

又下之已更發者百合滑石代赭湯主之方

百合

七枚 擘以泉水漬一宿上當白漉出去之

滑石

三兩 碎

代赭

如彈丸一枝 碎

右三味先以泉水二升煮百合取一升去滓置一廂

又以泉水二升煮和二味取一升去滓合煎取一升

半分再服

千金小品同

又吐之已更發者百合雞子湯主之方

百合

七枚

右一味依前法泉水二升煮取一升去滓扣雞子一枚取中黃內百合湯中攪令調溫再服之

千金同

又不吐不下不發汗病形如初百合生地黃湯主之方

百合

七枚

右一味依前法漬以泉水二升煮取一升生地黃汁一升二味汁相和煮取一升半溫分再服一服中病

者更勿服也大便當出惡沫

千金小品並同

又百合病一月不解變成渴者

以漬百合水洗身法其後千金方中一味是後服

括萋牡蠣散其次則是

並出第十七卷中

小品凡百合病見於陰而以陽法攻之其陰不得解也
復發其汗此爲逆其病難治見於陽而以陰法攻之其
陽不得解也復下之其病不愈

千金百合病經一月不解變成渴者方

百合根

切一升

右一味以水一斗漬一宿以汁洗病人身也洗身訖

食白湯餅

今餅飢也

勿與鹽豉也渴不差可用括萎根竝

牡蠣等分爲散飲調方寸匕日三服

小品張仲景方

同

又療百合病變而發熱者方

滑石

三兩

百合根

一兩炙

右二味末之飲下方寸匕日三微利者止勿服之熱

即除一本云治百合病小便赤澀臍下堅急

又百合病變腹中滿痛者方

但服百合根隨多少熬令色黃末之飲調方寸匕

日三滿消痛止

小品同並出第十卷中

傷寒狐惑病方四首

仲景傷寒論狐惑之病其氣如傷寒嘿嘿但欲卧目瞑
不得眠起卧不安蝕於喉咽者爲惑蝕於陰者爲狐狐
惑之病並惡飲食不欲聞飲食臭其面乍赤乍黑乍白

蝕於上部其聲嗔蝕於下部其咽乾蝕於上部瀉心湯
主之蝕於下部苦參湯淹洗之蝕於肛外者雄黃熏之
又瀉心湯 兼療下利不止心中懊憹堅而嘔腸中鳴
者方

半夏

半升洗

黃芩

三兩

人參

三兩

乾薑

三兩

黃連

一兩

甘草

四兩炙

大棗

十二枚
擘

右七味切以水一斗煮取六升分服一升日三服忌

豬肉冷水松菜海藻羊肉飴

千金同出第六卷中

又雄黃熏法 兼主蠱病

雄黃一物研末以兩筒瓦合之燒以熏下部

千金療狐惑薰草黃連湯方

黃連

四兩去皮

薰草

四兩

右二味切以白漿一斗漬之一宿煮取二升去滓分

爲二服忌豬肉冷水

小品同

又其人脉數無熱微煩嘿嘿但欲卧汗出得之三四日
眼赤如鳩眼者得之七八日其四眦黃黑能食者膿已

成也療之方

以赤小豆三升漬之令生牙足復乾之加當歸三

兩爲末漿水服方寸匕日三

小品同出第十卷
中此本仲景方


凡病形不可灸因火爲邪散走血脉傷脉尚可傷藏則

刺井輸穴腫黃汁自出經絡外爛肉腐爲癰膿此爲火

疽七居反醫所傷也凡微數之脉慎不可灸因火爲邪即

致煩逆追虛逐實血散脉中火氣雖微內攻有力焦骨

傷筋血難復也



外臺秘要方卷二